

瓊臺類稿卷之六十三

少保兼太子太保戶部尚書

武英殿

大學士贈太傅謚文莊丘濬仲

深

明故亞中大夫廣東布政司右叅政王公宜人黃氏合葬墓志銘

廣東右叅議湖口王公以成化甲午三月初五日卒於布政司公署其孤元正自狀其行事來乞銘先是予起復北上道會府時公先喪其內子黃宜人泣謂予曰亡妻有幸死且不朽矣志墓之文敢以累子予諾之而未果也曾未旬浹豈意公亦遽

亡邪乃合而忘之曰公諱恕字尚忠生甫九歲喪
父十有二歲喪母鞠於伯氏某所又明年補弟子
員居邑庠者十有二年歲庚午領江西鄉薦越三
年登甲戌進士第擢武選主事遷武庫員外郎尋
陞郎中筮屬兵部者十有七年成化庚寅有廣東
叅議之命公自幼穎敏習次坦率與人恂實不為
城府在兵部最久武臣選法多宿弊分助其長梳
剔之頗有刀焉故事武胄襲代錄其世系歲月截
之內府專委官清理之目曰清黃公以簡任彙次
條屬頗有次第暨轉武庫軫堂凡京朝官輿隸前

此任者多所構怨而公區處有方各得所歡謗
議幾息及參廣藩遇事奮發有所委任盡心力而
為之無所回護嘗奉檄代武將往陽山勦出獠之
餘孽駐兵七批補有十閱月出入二霧中不避險
毒果能成功然亦以此得疾而猶力疾蒞事不肯
少暇遂黃宜人殯嶧墓故鄉公躬送至其所學疾
有加焉然治所不數日即不起矣距其生時永樂
甲辰得年五十有一曾大父諱清山父諱又勝以
公貴贈主事貤贈郎中 再贈宜人初娶段
氏早卒贈安人繼娶即黃宜人諱某同邑處士某

之女再入四以治家具有條理處族姻鄉黨之間
歲時禮儀饋送往來莫不盡其理及隨公宦游
所至裨助為多凡比鄰之孤孀貧窶者輒周濟之
不待咨問而所行咸得其宜初封安人後進今封
云子男一人即元正文一人先公於歲癸巳七月
二十三日卒得年五十有三將以某年某月合塋
于其鄉某山之原子與公同年舉進士同官于
朝所居相密邇相得驩甚文游中予最知公者而
公之屬纊又適在焉則志慕之尤安敢以不文辭
哉初公邑中有石鍾山公家食恃與二三同志講

學其中暇日輒訪求唐李渤宋蘇子瞻諸公之遺
迹慨然有志發揮之欲其大著于天下既登朝
遇凡天下之名能文者輒求其賦詠積久成帙自
敘其始末以識卷末意將刻梓以行也所至携以
自隨有所會聚必論及之故自號石鍾山人云公
未死之先三日以其稿寓黃太守瑜于肇慶意蓋
有所托云是宜序以銘銘曰

士推所學隨世取資亦賴厥內以相厥施久矣
王公勤以死事生志既同死亦偕逝石鍾鏘鏘
風濤擊撞雙壁合巖彼此相望

明故贈翰林院編修費公孺人朱氏墓志銘
京口費氏世以真義相承始發於今國子司業廷
言廷言之父曰直菴公儀觀偉甚性勁直是是非
非無所假借人至有所不堪者或勸其少委曲公
曰吾性爾也人之生也直吾豈為人而罔吾生哉
因自號曰直菴人咸謂名稱其實云公諱昇字淑
高曾祖諱單祖諱周父諱榮母王氏配朱氏生子
五人長讓次詳次詮次諄其季問即廷言也女一
人適士族祝升公以廷言故 勅贈翰林編修階
文林郎朱氏贈孺人費氏世居潤城中家數百指

以貨居為業而總於其長一人凡出而有所懋遷
皆有所稽考時公季父掌家政獨於公一無所問
或求其故季父曰小二吾家御史也尚須防閑邪
蓋公行第三故云公客江湖三十年一錢尺帛不
為私有所至與其賢人君子游寓臨清主劉子中
家子中父死甫斂畢鄰火起將延及其家子中時
寢疾母年踰七十公為負其母出招同商者十數
人昇其柩于他所得不為煨燼而已所賁載者則
不復顧又於河之西岸見有以女鬻娼家者詢之
知其前代有仕元為南臺御史者因捐金贖之娼

弗從訴于巡河丞丞以父母顧端為辭翁曰彼逼于貧不得已也今已知之安忍以衣冠後辱於娼哉世之為官者又孰皆能保其後之不論落邪丞悟以金付娼其女卒歸于良家居之隣有實姓者以持竿黏鳥雀為業公屢勸之改業不從時游卒有掠小兒者公因令僕伺其幼子出潛誘之匿他所黏雀者歸不見其子借其妻號于道誓不獲與俱斃公給曰得非游卒掠之去乎乃益昏仆地久之稍蘇翁曰人與物受命等爾汝失汝子心痛如此安知禽鳥之失其子其心不痛乎汝能改業吾

為汝物色之願使僕呼其子出贈以緡錢其人拜謝卒改他業公平生善行如此類者非一不能悉舉也公性節儉不好華靡初壻外氏時答以襲衣中有錦綺公曰我布衣也可衣此邪却之公無他嗜好惟好讀書晚年病痿兩手顫至不能舉物猶以資治通鑑置案上目之不倦病歲忽舉首呼其子閻小字侍者問故曰某尚讀書邪言訖而卒時正統乙丑十二月二十九日也距其生洪武乙亥得年五十有一孺人朱氏同里朱景榮女景榮以旁累謫戍邊以書婦索乾魚召鄰生讀之生讀乾

如乾坤之乾時孺人十一歲竊聽曰得非要乾魚乎母臧大奇之以語其兄臧同知同知為擇壻以歸公母以愛女故厚其嫁資孺人力辭曰吾父在邊方方受苦忍携家所有以適人乎盍用以資津送僅受其半婦費氏既踰月即親操井臼躬澣濯時家食口衆婦奴番次直扈孺人當直其飲食必精潔俱足家人與食者輒知其為孺人不待問也家廟祀及數世凡十八主其忌辰孺人皆一一能記憶至日必先期率子女携神位滌器具以俟不待翁之命也翁既沒經理家事恒如其存日既葬

即贖諸孤以事生業遺囑為訓孺人平生從鄉先生困孟輝受經暮婦叩問晝所止未稍怠則諭之曰汝忘汝父垂絕之言乎孺人泣聞悔過讀或踰夜半恐其勞瘁成疾則又止之孺人平生懿行如此者非一不能以忘舉也孺人至孝事舅姑能先意以承其志舅既沒孺人盡孝姑老病時時索食飲孺人謹備以快之孺人時之為父景榮晚歲宥選自謫所句必一掃為日定省之曠姑以是補之景榮顯子其母就廢孺人數數過事問安每有一味之甘必遣人呈奉將死之夕母夢見

孺人終素注拜膝下連以中拍背曰我不孝我不
孝遂不見覺以語孺人之婦婦未竟而訃音至矣
時景泰乙亥三月十五日也距其生洪武己卯得
年五十有七公以之卒年某月某日塋于邑之華
蓋山孺人亦以卒之某年某月某日附焉銘曰
嗚呼昔人有言之死者之報人也不報其人而
報其人之天人之報人也恆不必在于其人
報之以其倫然人之報人也恆不必在于其人
之身蓋身之所存者有限心之所存者無垠直
哉此公舉事以養存心以仁始有內助心同行

均以人而合天也蓋有因矣身之所享食者雖
有所不逮而心之所存者則延及於其子孫有
崇其阡風氣溫淳留骨不朽與天地長春

東吳處士奚公合葬墓誌銘

監察御史奚銘克新過予言曰不肖孤之先祖考
卒二十有六年先祖妣後祖考五年亦卒二十有
四年矣方其卒時先考及季父主喪事未克請銘
於太史氏至是先考不幸已逝而季父亦當踰七
望八之年而墓中之石猶虛也豈非不肖孤之責
乎不肖孤猶憶先大父在殯之日先考感於時俗

之見謂吾家自吳寓燕未有兆域欲歸葬而未得
將徇俗以火葬不肖孤嘗謀於先生先生不可俾
白先考權厝於郊坰其後祖妣繼歿始買地於崇
文門外五基之原合葬焉時天順庚辰月日也夫
祖考妣之塋固出於先生之意則夫志墓之銘舍
先生將奚求哉謹具其行實百拜以請嗚呼予來
京師餘三十年交往於京師人亦多矣從予游者
非一人始終不替者惟銘焉耳銘從予時年甫成
童而奚氏二老若喜其孫之向學而所以禮敬乎
予者禮朴而情真絕無世俗虛夸之態矢言出口

時或操吳音而其被服舉止猶彷彿有江南數十
年前風度不意闔閭廢書之中而有此淳厚樸茂
之俗予甚敬之今亡矣夫雖無銘之請而予猶當
為之一言以表見于世况以其孫之請乎按奚氏
本蘇人世占籍于吳縣洪武辛未以間右起實
京師隸應天府之江寧縣永樂戊戌隨 駕北上
改籍于順天府之宛平縣故今為京民公諱澄字
士賢生于洪武丁巳九月至景泰丙子三月卒享
年八十孺人熊氏同郡處士長源之女生于洪武
己未二月至天順庚辰二月卒享年八十有二生

子三人長曰進次曰安次曰寧進生子一即銘也
銘生未晬而母祝卒鞠于其叔母沈安無子寧為
道士銘生四男曰冠曰白曰先曰有女子一人冠
生女子一人嗚呼二老者生于國初元氣完固
之時其體質既龐厚而性格復質實故其所存所
行往往有合于古道者今世蓋不復有也予感今
思昔故接其行實而叶以韻語以為之銘銘曰
有樸一翁生泰伯墟身老于燕音猶故吳大隱
市廛匪利之趨口不章句而心與之符身不儀
槩而行與之俱物價不貳善是居居今之世

宛古之徒厥有善配相敬賓如同心同德匪亟
匪徐被服食飲不過而腴姻親契舊當親匪踈
憫人急難濟貧恤孤亢大厥宗教孫劬書登名
科甲光昭門閭執法憲臺日筮亨途孰非二老
善慶之餘我銘以辭千禩不渝

錦衣衛焦千戶夫婦墓志銘

錦衣公子焦君廷用年六十四以成化庚子七月
二十八日卒于其家明年辛丑三月二十八日其
內子聶氏年六十七亦繼卒皆權厝而未葬至是
歲癸卯乃考錦衣衛公捐館舍將歸窆窆庭用之

子諭乃舉其二親喪祔塋于祖塋石家庄之原諭以予與君有一日之雅來乞銘君翩翩然治世之佳公子也生長京師紛華中而不為世俗所移易讀書好禮而以五七言詩著名縉紳間蓋武曹中絕無而僅有者也錦衣公掌

天子禁獄晉執金吾為

上所簡任雖至踰七望八之年猶不容其休致君以冢嗣當襲其職無庸由他塗以仕故雖富有才能竟不得以一試迨公休政時君已年踰六十拘於例不果用而君亦年躋下壽而仕進之心息矣

以子諭長而有成因俾代之 朝廷推恩封君為

錦衣衛正千戶聶為宜人受封者僅二年錦衣公夫婦尚無恙而君先逝矣君諱宣廷用其字也別號葵軒其先世考城人曾祖伯祥祖榮俱任副千戶贈錦衣衛指揮同知父壽即錦衣公也初以沂州千戶擢入錦衣尋轉衛鎮撫歷官至指揮同知致仕年九十餘始卒母黃氏封淑人君生有至性奉其二親愛敬備至兄弟九人君居長所以友愛之者人無間言方錦衣公居權要勢焰赫奕而君未嘗席以驕人及公謫戍邊方與間居市里而君

亦未嘗改其常度被服布素日以詩書自娛所交者皆一時聞人暮年嘗效古人與相契好者十數人結為社以詩酒相酬為樂時人慕之間嘗沿潞河沂漳御歷齊魯之郊以達于江淮上章江度庾嶺南游於羊城其後盤桓於兩浙之間者最久所至與其賢豪游遇佳山水處輒徜徉忘反徃徃形諸咏歌集成卷帙嘗次錢塘錄七言絕句十有五首寓婦勉其諸弟若子姪并寫其平生所懷人多傳誦焉若廷用者所謂佳公子非邪其配聶安人義官宗德之子有賢淑之譽相君理家務整整

有條奉舅姑得其懽心以冢婦處諸妯娌之間帖然以和蓋婦人中之有德者也生子一即誦娶吳氏繼娶張氏子友中書舍人升之之子女三人武功右衛千戶周禮永清右衛指揮使張玉金吾右衛指揮使白璽其壻也銘曰

全其孝也天阨其進也年已之志也雖鬱親之壽也則延以彼易此孰則多焉有哉其阡雙塚累然我昭以銘百世其傳

雷州衛指揮王公墓志銘

明威將軍雷州衛指揮僉事王公年五十一即致

其事俾其子璵代其職適

裕陵上

慈壽尊號凡致仕官賜散官一階公進階懷遠將軍成化辛卯偶以事之會府歸至中途卒于神電時四月十四日也璵時以都指揮守鎮海南袁經踵門泣謂予曰不肖孤罪惡深重不即殞滅禍延先父禮當匍匐奔赴第以守信地不敢擅離情事未伸哀痛罔極吾子倘念先父有一面之雅惠以銘文庶藉此以少紓不孝之罪之萬一予辱識公最久又與其子稔交志慕之文義不可辭按公諱

傑字仲英鳳陽懷遠人也祖諱光祖隨

高廟起義淮西考諱興

文廟靖難時以軍功歷官至金吾右衛指揮尋調福州中衛卒公嗣其位凡七年始調來雷時承平日久廣右之尚夷猶未越境而東出邊城無事將領以下相率以酣讌為事公獨留心世務未幾鄰境稍稍有侵軼勢當道者始建議於兩廣要害處築城以拓其衝凡築城四分雷州後千戶所於石城首命公董其役公相其地勢與創位置為城垣若干丈為廨宇營房若干楹人不知勞而事告集

就檄公領督各衛所官軍戍守者十有餘年其地當高雷廉犬牙相入之處賊出入所必由之道公統禦有方賊不敢越境而他寇公去任之後始多事矣至今石城人猶思念之不置公為人樂易不苟士卒樂為之用所至往往有遺惠在人年高強健知其冢嗣足以負荷即決意休致居閒無事課僮僕以畊又會士夫以游觀於一切世務漠如也公生有至性事母太恭人段氏孝養備至母未食未嘗先食居喪哀毀踰禮遣奠間俄有海鶴集其所居世以為孝感所致云公生于永樂丁亥十一

月二十六日至是卒春秋五十有六娶万氏福州衛千戶清之女有賢行子男三長即璵今為廣東都司署都指揮僉事次璵次碧女二長適指揮使蔡瑜次適樂民千戶朱睿孫男政敵牧將以癸巳年某月某日葬公于海康縣調會之原柩先太恭人墓側銘曰

猗惟公之有生兮都世善之餘慶前繼承之不墜兮後負荷之孔良形雖歸于澌盡兮名昭昭而不止曷以徵其然兮質諸太史氏之銘章

海南衛指揮李公墓志銘

公諱翊字元勛世居廬州之梁縣後梁縣革入合肥故今為合肥人高祖勝宗元末從湯信公起兵濠梁累功至杭州衛正千戶曾祖旺襲其職祖繼之調桂林右衛尋以年勞陞南寧衛指揮僉事卒考昇嗣職妣張氏公年二十四襲先考職即調海南初至居第器用百不一具公設法措置曾未已時悉皆全具時廣右徭寇未入東界海外邊兵不調疆域無事士卒暇逸公從容詩酒間日與儒生文士過從把酒論詩投壺雅歌甚有時譽時揮使陳公英周公振綽有才能而難於察察視衆人篋

如也獨於公敬禮焉公掌兵巡海道者幾十年又嘗率領守備欽廉境士卒遵其令而樂其寬公體貌瓌偉言詞清亮膂力過人而尤精於武藝其於文學蓋獵涉云嘗命儒士王宏修家譜畫師周禮繪柳營四景圖遇詩文者輒求題跋賦詠積成卷帙具藏于家公於武胄中蓋傑然者也年僅踰五十即以疾俾其子代職適

英廟上

慈壽尊號錫類臣民諸休致官皆進散官一階遂進公階懷遠將軍云公生于永樂癸巳卒于成化

士辰春秋僅六十室朱氏南寧鎮撫株之妹封恭
人先公卒子男五長泰嗣其位次謙次節次震次
復泰節嫡出也女三長適雷州衛千戶王理次適
都指揮孫旺子越次適同衛指揮周瑄泰卜以公
卒之年十二月某日塋公于瓊山縣海口天明堂
基之原朱恭人墓左適予以母喪家居服闋將行
泰以子於公有舊來乞銘始予以諸生登第歸最
為公與陳周二公所重敬逮官 禁近二公物故
已久獨公尚存予婦深以為幸而公已邁疾艱于
行矣今遂不起哀哉銘曰

生而受爵於其考死而授祿於其嗣世其官而
無忝官其家而不替前後有光死而無愧塋而
吾與之銘孰云非幸會邪

明故武畧將軍崖州守禦副千戶洪君墓志
銘

崖州守禦千戶洪爵者其先貴池人自其曾祖亮
以軍功起家來鎮崖州祖毅父瑜皆世其官守茲
土爵生於正統辛酉七月二十九日先娶陳氏繼
室祝氏萬州千戶祿之女祿與予同壻吳氏吳亦
貴池人也爵字世祿資稟敦厚自幼喜讀書交儒

生有士大夫至崖者必敬禮之求教益無倦色喜吟詠為五七言詩有韻致一時武弁子弟蓋罕其儷年二十八代其父職盡心職務奉檄守山堡岢岷懾其威而懷其惠自是邊黎之地往來者無虐嘗隨官軍勦千家村崗所當輒披靡軍中稱之在任十有三年分毫無取於人暇日惟課僮僕種蔬果檳榔至萬餘株謂人曰昔人謂橘為千頭木奴此檳榔吾家萬頭奴也吾用此足矣又復剝削下人是不知足也自用雖儉而待客甚豐腆與人交久而不渝其素尤好禮得予所編家禮儀節家有

吉凶事一一按之以行而亦徃徃以是勸其州人人多有化之者歲甲午予起復來京師會府檄世祿從予行至羊城歲時恒有書來京惠問殆無虛歲歲庚子書不至予甚訝之忽有來此云爵於是年六月二十八日卒矣嗚呼惜哉明年其長子源來襲職因以誌墓之文為請予惟世祿以戊子歲來襲父職主子家者三閱月子退朝之暇每與之談道古今治亂成敗之迹與凡人生行已處事之要世祿輒傾心聽訓教亦嘗與論及古人作詩之法其興趣體制所以然者世祿聽之忘倦殆

善有所得焉者逮其婦也予題畫松贈之世祿因
以松自號裝潢成卷遇能詩者輒請咏焉世祿雖
生武胄而性好文學蓋穎出流輦有足尚者惜其
年僅四十而遊使天假以年其所成就豈止是哉
世祿先娶陳氏千戶陳瑛之女年某歲婦洪氏二
十有一而卒特某年某月陳氏生子一即源祝氏
生子一沂女一尚幼側室生子二溥滋世祿卒之
年某月某日源以其柩並陳氏合葬于西園直茶
之原銘曰

武胄之子而尚文儒端厚閒雅不類其徒出口

成章蘊腹有書期而不至可悼也夫

瓊臺類稿卷之六十三終

瓊臺類稿卷之六十四

少保兼太子太保戶部尚書 武英殿
大學士贈太傅謚文莊丘濬仲深

墓誌銘

姑蘇蘇士昌墓誌銘

姑蘇有蘇士昌者挾商以游江湖間所至輒與其
賢豪游遇寓公貴游必造謁焉未嘗不與之進進
則禮貌之或至分庭抗禮其去也或贈言以華其
行晚歲倦游歸蘇城歛華就實以爲終焉之計年
六十以成化癸巳歲五月二十日卒于家卜以明

年甲午十一月九日葬吳靈巖鄉先塋之旁先期
其子珪介封部大夫劉君尚質謁予銘其墓按傳
檢討所述事狀大約謂其能盡孝愛謹禮度睦姻
族卹貧匱其間不與老佛之徒接一事尤爲奇特
嗟乎自二氏盛行于中國世之學爲大儒仕爲名
臣者猶不能忘情於斯人之徒而市廛之中乃有
不與之接者乎斯人也是則可稱也已即此事可
以當吾之銘矣故不辭而叙其世次且繼以銘焉
叙曰士昌姓蘇氏諱盛士昌其字曾大父富大父
安父巨川母呂氏世隱蘇郡市廛中娶何氏繼顧

氏子一人即珪何出也女三人長適戴昱次馬駿
次朱廣皆蘇人孫男二人英蔭銘曰

鬼教入人淪肌浹髓舉世趣之罔知攸止既惑
生人復戕其死生迷其性死毀其體付之烈焰
投諸流水人隨習化其類不泚天下皆然吳俗
尤靡斯人何人中流砥砥不接佛徒斯事尤偉
我銘以言良無愧已

林處士墓誌銘

瓊有隱君子曰顯之林先生其先莆田人永樂初
有仕于朝者出譜系示林宗壁狀元蓋同出云世

居文昌之溪西里族大以蕃代有顯宦瓊人稱為
溪西林氏夫瓊之鉅族多來自閩莫林為盛亦莫
林為多賢先生又林氏中 表者歟予自幼慕先
生為人先生個儻好誼涉獵經史而於地理之學
尤精歲丁卯嘗為予卜先祖妣 甫襄事予即
北行思出一言為先生謝未果 辛未南歸先生
即世矣又三年與其仲子攷卒業太學援例歸省
詣予謂曰某先君子生勵志于學而竟不得一試
其發言制行往往有過人者而世竟莫之知某幸
與子同出處今又同在京師非無名公鉅卿足以

發揚其幽潛者顧無徵不信不若吾子知之之悉
且所言足以取信於吾鄉之人而後之人亦將於
是乎取徵焉誌銘墓之石非子不可也嗟夫子感
先生也深矣先祖妣所以安其體魄而不罹夫五
禁之患者先生賜也生既不及一致辭謝迨其終
也僅得托名誌石之末亦既晚矣烏可以固陋辭
謹按先生名暉號遲遲老又號漁樵散人顯之其
字也曾大父挺高潛德弗耀大父德隆仕元文昌
縣尹父寬隱居教授鄉里稱為長者廬陵教授者
尚書刑部主事密皆其諸父也妣韓氏先生自幼

稚時已有器識不並群兒以嬉既長從鄉先生邢秉德受尚書習舉子業業成或勸之就試先生曰某不幸先妣蚤逝不克一日致養以償生我之恩抱恨終天莫能已已今吾父幸無恙某何心遠離膝下以貽親萬里憂乎遂不復出性至孝事繼母陳氏無間所生友愛諸弟妹悖叙族姻鄉黨人無富貧賤貴待之如一治家有法而尤謹於禮冠婚喪祭一依文公家禮以行先生胸次坦夷不事表襮聞人之善若出諸已見人疾病困窮憫惻調護惟恐不及而遇不善者亦未嘗顯然拒絕之平生

處事詳練績密與人言必依於孝弟忠信詞甚簡而理無不足自邑大夫以下莫不高其行服其言有疑多就咨焉時臨汀曾先生蘭分教邑庠恃才傲俗於人少許可獨於先生加敬每會晤輒傾底裏劇談終日由由然不忍去也正統間朝廷興社學僉憲安城彭公疏提督學校事行部至擇其可以為師者邑大夫以先生對見之彭公甚加器重因以其仲子致補郡庠弟子員先生教導有方生徒克業得其指教以克自成立者每每有之嗚呼若先生者豈非一方一時之傑出者乎生於洪

武庚申六月二十二日終于景泰庚午八月二日
以是年十二月庚寅塋于銅鼓小嶺山人之原先
生臨終時言不及他但恨不見二子成名而已時
二子數孜俱赴試羊城是秋孜果領薦而先生不
及見矣悲夫先生配雲氏交趾同知同邑雲真之
長女子四數孔孜徽女二長遠瓊山劉寬次未行
孫男一曰士弘嗚呼古所謂生教于鄉而沒祭于
社者先生其斯人徒歟銘曰

生苟益於世奚必仕也學終傳於嗣奚必自也
矧先生之高誼罕其儷也宜先生之清致莫可

企也既箕裘之有繼死不逝也闇夜臺之深闕
百世之下猶勃然有生氣也

醫士劉文羽墓誌銘

予友劉君文羽者深於醫道平生嗜義若利然一
旦人加以不義之名即抑鬱以死嗚呼彼終身為
不義而醜然居人世者何人哉予於文羽交踰十
年知之甚深其不為不善真如騶虞不殺竊脂不
殺蓋天性則然非慕其名而勉為之者也非予獨
知之凡今之人與文羽交服食其藥者無不知之
也嗚呼冤哉文羽名儀錢塘人父用貞以高技起

居南京凡聞四方名醫及士夫家有巧術秘方可
以願生已疾者必卑禮厚幣求之得而後已其選
材必良製造必精服食者必有效以故求者日踵
其門而南京藥肆以劉氏正心堂為首稱文羽傳
家學又於素問難經本草傷寒論及近代劉張李
朱數家之書益加研究其視人疾某病當用古人
某方某方有某藥藥當加減某率隨意口占不待
檢閱方書未嘗少誤其所治病多良效其不效者
每能豫言之其於醫道蓋亦近於工巧者矣正統
乙丑以名醫召入太醫院為醫士久之選入中

禁教內暨之學醫者一時名公鉅卿及四方士夫
咸加敬重有疾者必赴其門殆無虛日人有疾不
啻若已雖風雨寒暑昏莫趨赴惟恐不及不以貧
賤富貴二其心有難治者必語其人俾集眾醫商
訂可否未嘗專執擅功其人幸愈報謝之與否不
計也文羽事親孝於兄弟群從間恭且友與人交
信而不疑雅好周人之急鄉人有為大學生者需
選吏部貧無貲質富人錢其人死不能償文羽代
償之又為之經紀其後事此蓋予所親見者其他
如此類者猶多嗚呼文羽立心制行章章如此乃

不階顯位不得下壽而齋恨以死嗚呼其天乎抑
人乎文羽以天順七年四月二十四日卒于京寓
舍時年四十四卒之日聞者咸為扼腕不平文羽
娶王氏繼娶顧氏無子女二尚幼君有弟四人偉
傳傑儼衆議以某之子某為其後卜以明年某月
某日塋于某縣某山之原其弟傳以其母方氏命
來迎喪以予與文羽舊也求文銘于墓予故述文
羽平日行義之實以曉世之未知文羽者且以慰
其母氏之悲焉銘曰

嗟嗟文羽義焉是依弗食其報乃咎之罹豈非

孤者二人資遣之一如已女其行事尤卓異為鄉人所稱道者黃冠反時遣有詔開其自新之路曾府求入齋與之無應者先生毅然行至則喻以禍福賊首羅拜環聽卒得善返是行也人咸為先生危而先生處之如無事時蓋德望素膺服其心故也先生娶蕭氏子男六人長瞰鄉貢進士次軾郡庠生俱先卒次即暉又次昆不仕又次昂昌亭驛丞女二人適某某皆士族孫男八人女十一人先生卒之日廣城人上莫不灑泣曰善人死矣以是年某月某日塋于駟馬岡之原銘曰

于嗟乎先生昔具生也 少與同今其逝矣鄉
失老成孰立德相孰張善旌孰公我鄉評于嗟
乎先生

獨樂處士王公墓誌銘

鄂江夏王氏當 國初有以武功應 進授武畧
將軍世襲千戶守禦泰州者其後裔以事調廣南
之昌化其留不行者遂為泰州人有號獨樂處士
名昭字明達者稍武學文不頽頽於章句訓詁至
於倫理道義古今世變亦能槩言之與琴川王禮
莊者相友善禮莊亦武胄也一時士大夫以事往

泰者必過此兩人兩人者泰之巨擘也處士行義
多可取者而尤以孝聞父嘗得下痢疾名醫環視
咸曰此死證也處士計無所出恒旦夕稽顙北衣
期以身代疾勢益章乃於夜自刺左股肉為湯以
進給曰藥也父飲之而亦已竟莫知其由處士平
生未嘗以語人雖至親也知其孝者數年母徐忽中
風倉卒不及治處士以爲必死晝夜號哭不絕
聲至小祥遂失聲以病兩在喪一守古禮不用浮
屠法泰城之人稱子之能孝者必謂處士焉然乎
孝者百行之首處士一人節有如此者其餘細行

可知也乙亥二月於洪武庚午閏膝九日卒於成
化丙戌七月二日享年七十有七曾祖某祖朝宗
父達陽母某氏配徐氏義具志道之女有賢行生
子五人源澄清溥潤澄以郡薦任順義教諭女二
人長適百戶龔盛次適工人冒鑑孫男十五人楠
植棋極本曾搆某某女十一人長適田真次適吳
玉次適千戶劉某餘在室處士天資穎敏偉儀表
美髭鬣自幼不慕祿仕善居貨而不黷好讀書史
鑑及左氏傳而於方外脩煉之術亦旁通焉處士
之宗子世官昌化者於十外能連澄教順庠密邇

言師時予官禁近相往還者甚厚今聞處士訃遣
夫子棋持禮誌狀來乞銘將歸以明年某月某日
祔葬處士于先塋之側銘曰

體分於父而療父以虧體聲出於母而哭母以
失聲嗚呼以其所生報所以生孝哉處士胡可
不銘

鶴林處士吳君墓誌銘

自孝弟力田之科廢而士之推魯少文者往往不
能自見於世而風俗日趨於浮華可嘆也哉吾廣
南之寶安有鶴林翁者質實之士也生而天性孝

友甫三歲失所怙即哀慟如成人及其長也恒以不逮事父為憾益篤於事母晨昏之間承候顏色惟謹甘饑之物意欲即至母泣哀毀柴立塋祭一依古禮以行年既艾遇忌日猶悲戚如新喪然事其兄如父怡怡相周旋未嘗有違言忤色壯年嘗出客四方雖以商遊而意不在利迫其倦遊而歸也治農圃以為終焉計日課僮僕順天時盡地力墾闢樹藝疏植糞溉咸盡其理用是家日饒裕惠及宗姻凡鄉鄰有所困乏者趨而歸焉無不得其所欲以乎若翁者使止當二科未廢之前殆必有

以取世資著功烈以自効於當世不苟然矣翁姓吳氏諱弘政鶴林其別字也其先南雄人有諱覺者始居東莞之員頭山高大父諱華曾大父諱善夫俱不仕大父諱彥通仕為本府番禺主簿父諱廣鄉稱善人母顏氏翁娶梁氏有淑行先翁十年卒子男三人曰宗曰義曰誠女曰人林仁茂陳記劉祖葉信其婿也孫男若干人女若干人翁生於洪武某年終於天順某年某月享年六十八歲將以某年某月某日合塋翁夫婦于某山之原介其鄉人朱君忱求予銘銘曰

士生于古易以自見今也不然臣文弗炫有偉
一翁不文而質躬天之性盡地之力古科不興
老死遐方政施其家名留其鄉位則弗階壽則
多有銘以昭之永世不朽

古岡梁處士墓誌銘

古岡有處士業儒不仕而用以教授於其鄉鄉人
稱之曰澹齋先生者姓梁氏諱灝其其字也其先
南雄人宋末有號通齋者始徙廣之新會曾大父
某大父某父某累世不仕處士少從鄉先生黎林
坡學專志畢力不少懈於經傳子史若有得焉徒

以親在而不欲遠違遂決意不仕隱居羅山下以
農為業以儒為教收其所得一用以資於養親食
必兼味衣必純帛而已之服食雖粗糲不計也親
沒喪祭不用浮屠法與其弟相友愛人未嘗見其
有間言環其鄉數十百里間咸薰其德服其教子
弟白髻亂以至弱冠畢來從學處士之教之也隨
其材質高下而開道之經其指授者多有所成就
晚年德望日隆甚為邑大夫所禮重歲舉鄉飲酒
禮必請以為賓至是卒年七十有八成化丙戌五
月二十七日也邑人無賢不肖咸灑泣曰象山熊

海之間不復有斯人矣公配周氏生丈夫子三人
曰晉曰益曰臨女一適張某孫男幾人女幾人益
以鄉貢進士卒業成均需次京師聞訃將還守制
擇以某年某月某日塋處士於某山之原先事命
其鄉人戶部員外郎魯千之論次處士行事為狀
持以來丐銘且曰處士力於為善兼善文辭宜以
自見於世矣徒以生僻遠之地無由以自顯今其
塋也苟又不得作者銘安知其不遂泯矣乎予辭
弗獲遂銘之銘曰

士力為善或不遠傳豈業弗勤乃地之偏廣海

之南有隱而教爰教且耕以資夫孝善終一身
譽止一鄉我昭以銘用久其光

處士黃君墓誌銘

中書舍人溫君元善借一儒生過予謂曰此吾鄉
生王資也以郡庠弟子員膺貢來京師得補太學
生願有謁也不知吾子可不可予請其所以中書
君曰生生四歲連喪父母祖姑適王氏者憐其在
孩提而孤命其子子之今從王姓云生念其所生
父不韋蚤卒其名與行幾泯泯於世思所以表白
而非文不可知子以文名又知吾與子交厚介吾

謁一言幸惠之乎先世晉江人且與元善厚顧何
詞拒之邪乃志而銘之志曰君姓黃氏諱敬字敏
恭別號純齋曾祖某祖某父某三世皆不仕生洪
武士午五月十五日其卒也在宣德壬子七月十
二日享年三十一歲初娶李氏後馬氏後君四閱
月亦卒以某年某月某日合塋壁湖山之原君生
有異質開敏負氣節居間閭間落落有出衆之態
使天假之以年未必無所樹立終於是也惜哉文
夫子三人長璋李出次璫及資皆馬出銘曰
天人之理濼乎漠然匪祐自天弗孽由人豈其

茫茫成莫人顧之短之脩惟其所遇可死者身
不滅者名曷以昭之賦茲墓銘

處士譚公墓誌銘

譚處士者諱溥字某揚之儀真人曾大父某大父
某再世不仕父某始以武功起家得言安守禦所
世襲管軍百戶故凡勝嗣之改注餘姚尋陞千戶
守禦廣之南雄處士隨元之官居焉雄當江廣之
交軍鎮之務劇甚處士助其兄綜理之一當其
處人稱其兄之能不知其出自其弟也凡嘗坐累
謫戍雲中處士徒步萬餘里周旋左右之凡得不

困躓卒復其官處上為人謙謹和易雖出自武胄
然恪守禮法於一切衿馬聲色之事絕去之若將
澆已然嘗容准楚吳越之地所至及其賢士大夫
迨歸克然若有所得晚年留心釋氏典蔬食者餘
二十年每恨蚤孤弗逮養聞釋氏法有所謂禮淨
屠者或足以報其親之恩昕夕如其法膜拜之寒
暑不暫廢總計之為拜五十萬有奇所設木榻當
手膝處宛宛有跡議者謂其事雖不禮合然原其
孝心之專且篤亦難能已處士人品瓌偉雅好賓
客樂施予雉人自郡守將以下無不敬重者率之

日無少長聞之皆灑泣時景泰甲戌五月二十八
日也距其生時洪武乙丑得年七十配陸氏側室
戴氏子男四人長政次敬次啟次文女三人長適
千戶李緣次適百戶祝安次適南靖教諭李汝孫
男四人長昌次隆次富次賢孫女一人適千戶董
茂慶上之柩既以卒之年某月某日葬邑之五里
山先塋之次又一年其婿教諭李君來京師以予
適屆太史代上相厚也徵予志其墓予嘗近雉於
慶士亦嘗一識面故不辭而叙之且繼以銘銘曰
人孰不有父以凡公所以處孝吁難能濟于屯難

矧其平報于已亡矧其生往孝悌弟通神明天
錫爾衛昌可徵體魄罔斯幽以寧後欲驗之考
茲銘

臨海范處士墓誌銘

天順丁丑臨海范德恒甫來京師視其弟兵部主
事德章薦紳大夫以其伯仲相友愛也賦詩贈之
標其目曰金臺聽雨予亦與焉雲間錢學士原溥
實序之比之以銅鞮伯華君子不以爲尚德
歸未幾時而以訃聞嗚呼孰有仁厚孝友如德恒
者乃不階貴位不得下壽而遽已耶向之美以

者咸變而哀悼之既而德章自述其行以求幽堂
銘予與德章同年進士且相好也義不可辭乃序
而銘之序曰德恒諱京父曰宗工部虞衡主事梧
州知府大父曰奎贈某官曾大父曰某虞衡府君
仕以廉潔聞卒之日家無餘貲諸子皆不事生產
家道日益落德恒甫時尚幼慨然有志進士業而
有所不暇惟日致孝養於其母王夫人憂悲愉樂
不上於已以其親而已時或於他所得一被服食
飲苟可以煖飽者輒持歸以奉其母友於兄弟諸
兄有勞勩之事不待其命而代之爲雖甚罷苦不

厭也德章年少而効於學養其學有進輒色喜謂
人曰復吾父之業而大范氏門戶者必是弟也迨
德章領鄉薦會試春官者再德恒實借其行以德
章幼而弱也扶持佐佑之不少怠後德章舉進士
觀政大理寺選屬大司馬公退兄弟相對食德恒
時出規戒語動引古人為諭云德恒雅澹寡嗜欲
待人一以誠實人故無賢不肖皆喜之未卒前數
月蒲州知州徐君宇將以經明行脩薦為州文學
徵文未發而德恒不起矣是歲十二月二十七日
也享年二十有一未室以明年某月 下護郭嶺

之原銘曰

胡德之賢而年之不延胡才之便而澤之未宣
吁嗟乎天而莫測其所以然

處士吳君墓誌銘

國初定鼎金陵 詔起天下間右實京師杭之仁
和吳氏實與焉遂占籍為金陵人再傳至得茂甫
者有士行赤色大夫聞其賢用以為坊長盡心事
事罔或廢弛自長佐以下咸重其為人長他坊者
事或有所不舉輒相持茂以勸衆曰使凡為坊長
者皆得如吳君則吾可以不勞心而事畢濟矣後

又以技能役內局為堂長其盡心趨事一如為坊
長時得茂天性峭直無他錫不肯隨時妍要遇事
以身先之不斷力不苟取故所至得上下心其於
為善行義尤汲汲然見喪有不舉者助之孤女不
能嫁者資之樂於施予未嘗有厭怠意逮其晚年
益篤不懈景泰乙亥得茂年踰八耋時其文之子
俞賓寓金臺徧求翰苑諸鉅公詩文以祝其壽明
中得茂沒矣得茂諱茂得茂其字也別字道寧曾
大父彥祥始居金陵大父七公父文富俱隱德弗
仕母徐氏得茂生于洪武丙辰至其卒之年丙子

八十有一歲配陸氏同里陸三公女有婦道凡得
茂所為行義皆陸有以從史之其生以洪武壬戌
卒以景泰庚午得年六十有九子男三安寧宣女
二長適余宗善賓之父也次適夏謙皆同里人孫
男四琳瑛瓊玕女俱未行將以天順丁丑某月某
日合墓于鳳臺門外鳳西鄉菜園務之原賓介太
學友人陳某以南臺御史張鳴玉行狀來乞銘謹
序次其槩而繼之以銘銘曰
其為人也剛毅恒竭心以趨公事惜乎生逢時
而不得其位使得其位而有為足以自見於斯

世彼居位而曠厥事兮，賦茲銘兮其能無愧。

瓊臺類彙卷之六十四

瓊臺類稿卷之六十五

少保兼太子太保戶部尚書 武英殿
大學士贈太傅謚文莊丘濬仲深

墓誌銘

徵士傅公墓誌銘

正統乙丑秋七月盱之新城傅徵士卒于家，距今
成化癸丑蓋二十有九年矣。時其子顯猶在庠序，
今已釋褐為瓊州府推官矣。方徵士卒後二年，其
友致仕給事中何君澄已為狀其行，今顯繼狀來
乞銘。豈歐陽子所謂有待者耶？按狀公諱箕，字文

琰曾大父士賢大父某父子茂母蕭氏生二子長
即公公少與何君同席硯銳志儒業有用世志年
二十四時父為鄉豪所搆逮赴刑部獄公走京師
懇其寃竟得直父出獄死旅邸中始慨然大息曰
仕所以為親親死又胡仕為鄉人丁叔相為國子
助教薦之 朝徵赴銓曹試事冬官然非所好也
遇當銓輒以疾辭不與竟辭歸永樂初元 詔起
天下凡預名仕籍者公赴召至即懷歸田里鄉人
需選者咸曰人求仕苦無其階今子有階而不用
異乎衆人矣至是歸一意以力田教子為務付長

子顯以家事凡賦役耕墾之事一以責之付仲子
顯以官業惟讀書學文是專他事不許與晚年家
居鄉鄰有不決之辯及邑大夫有可疑之政咸贊
正焉得其一言渙然矣君子謂其有王彥方之遺
風年八十四以壽終以某年某月葬于某山之原
公天性 孝友平生於書無不涉獵尤用心儒術
學書于鄉儒胡子新學詩于劉子憲所作皆可觀
公凡三娶初黃次盧次湯皆先卒子男三人顯顯
顯次二人適七妹盛福厚李勳傑孫男六人大亨
亨亨順亨尚亨益亨 亨孫女八人曾孫男二人

願官瓊適予以憂制家居請追為之銘乃序而銘之銘曰

身不爵而崇道不位而行優游以自亨包涵而和平家付予以成志託予以行葆真摯學以全其生曷以自明式昭以銘

西昌郭處士墓誌銘

西昌人物之盛其仕者固已著聲稱於一時而其
隱者亦往往有可稱道者焉是蓋他邑所鮮有者
共處士郭君者亦其隱而賢之一人也君諱俊字
紹偉別字偉觀甫六歲父以旁累謫戍邊左獨與

母宋居稍長從侍講余一夔先生受尚書為進士
業後竟以家多故志弗克就遂一意田園無復仕
進意蓋郭氏至是嘗中徵矣君慨然廢奮夙夜致
致以脩起廢墜為已事左右吾內以承祀事理
家政外以睦宗姻和鄉鄰支持門戶供應雜賦俾
家聲以不墜而生產不至於蕩折人皆難之或曰
郭紹偉可謂能子也已又以其父成窮邊寒冱之
地歲時衣服食用之具不可缺問訊寄餽無虛月
父沒弟繼亦如之積有餘力又創為居室於祖居
之旁近左以祀先右以燕居扁其中曰樂志蓋於

是終身焉君事其母至孝居喪如禮於鄉黨恂恂
謙謹樂賑人之窮急歲嘗歛出粟以糶止取其常
價貸而後不能償者亦不問也君所行有可稱道
者大率稱是嗚呼所謂西昌之人隱而賢者君其
是哉景泰辛未十二月二十一日以疾卒于家年
六十一娶蔣氏有賢行生四男子諤諭誠謨諭為
太學生二女子其長適邑人蕭彥永次適蕭希魯
六男孫紱繼縞締綿二女孫尚幼君家西昌非
一世矣其世系詳見宋胡忠簡公周文忠公及今
解學士所為譏譜謀文蓋邑中名族也祖希賢

祖泰安父承宣俱不仕以卒之明年壬申七月八
日塋邑之高行鄉東唐平淵之原塋後又十一年
諭來京師介鄉貢進士羅宗謚乞予銘銘曰

道之行也不必以勢澤之施也不必以位隱而
若顯斯為可貴予子之銘庶幾無愧

安素居士鄺公墓誌銘

予去家十八年今始來歸城中父老凋謝殆盡惟
王孟遠鄺廷輔兩先生在歸然若靈光之在魯也
心竊幸焉明年春王公沒未幾時鄺公繼亡於乎
大海之南豈復有斯人哉鄺公諱俊廷輔其字別

號悟陰本羊城人洪武中先考以事謫戍瓊因家
焉考諱信字以信生六男子躬自誨之俱知名公
與弟傑孳生傑字廷弼官御史終廣西僉事卒時
年若干公隱約不仕終其身僉憲卒後又若干
年公始捐館舍得年七十有七時成化辛卯六月
乙卯也星命家以人之生年月日時占人之貴賤
壽夭今觀鄭氏兄弟同日生而隱顯脩短不齊乃
如此術其可盡信邪然以其得失相乘除則亦畧
相當矣公在昆仲中最為敦厚循循雅飭口未嘗
言人過人亦未嘗見其色愠故雖生長戎伍中言

連舉止有儒者矩度造次未嘗輕舉一時同輩稍
知書者俱喜談吏事習法律脇持官府短長以此
為能公獨超然遠引非公事未嘗造公署有別墅
在澄邑之新安歲大卡居焉讀書吟咏以自適其
適不求人知晚年郡守清漳蔡公浩嘗禮為鄉飲
正賓而以王公為介王公長公一歲頗不樂至形
於辭色然議者未嘗是也而非公蓋評其德云公
娶湯氏側室陳氏子男十人長涇次渭次瀛次洛
次洋次溢次滄皆陳出涇瀛早卒女二人王閔班
高瑛崔繼芳王玘其婿也孫男六人長相次掄次

棋次樞次擢次某女幾人公初終時其子渭偕其
從子海私請謚予予既私謚之以安素又以歲
之十一月某日葬公于某山祖塋之側復以銘請
銘曰

安其常素其守外雖泊然中則有竅此玄宮安
且久納銘其中昭不朽

英山處士陳公墓誌銘

徐聞陳君有厚邑人之巨擘也予所居與之僅隔
一水聞君名久矣未識也歲癸酉道邑中時三山
紀先生輔掌邑教先生氣勁而學博交游皆海內

知名士喜延客聞予至觴予學宮因於其座中識
君君紗巾草履布袍曳地朴如也予意其為君詢
之果然君時為里塾師自令以下子若弟皆受教
焉先生謂予曰茲邑人士絕少可與語者惟此
公且有佳子性敏而不怠於學異時為雷陽出色
者必此子也夫後予官京師不相聞者久之歲己
卯閱東廣鄉書邑人有名玄者預其間君之子新
更名也又六年玄來試禮部得進士乙科授南海
縣儒學教諭予始知君以景泰乙亥十一月十三
日已弃世矣嗚呼山城海邑之間世豈復有若人

我君諱熠有厚其字也世居邑之英山曾祖諱天麟字廷瑞仕元雷州路學正祖諱淵字希賢仕元乾寧安撫司教授入國朝為國子監學錄父諱楨字允芳為邑耆宿母梁氏君少房所出梁無子子君如所生人無知者君既長始知其所自築別室迎歸以養焉君性至孝喪父哀毀骨立族人利其家產乘其喪嫉諸姑奪其所積惟竭力營喪葬若罔聞知然因盡為其所掩既免喪始以情訴于憲府移文邑令柯繼理之遂得直復其舊君自幼不事家人生產惟書史是嗜海陬苦無書籍隨所

有姪索之頗亦

至於陰陽地理算法之類一

皆旁通邑父老欲舉為陰陽訓科非所好也不屑就邑人朴而少文子弟有資性者多無所於學邑大夫請為社學師君訓迪有方隨其資稟委曲引誘期底于成而止嘗謂人曰小學一書五車書之根基也苟不先乎此雖盡通五車亦奚用哉時柳人李就知縣事豪悍暴虐不復以禮待下惟見君則少霽紀先生於人慎許可邑中無當其意者惟於君則加禮敬至遣其子從學焉曰此古人易子教法也嗚呼若君者所謂邑人之巨擘非歟君配

羅氏有賢德子男三人長曰明早卒次即玄次曰文充貢禮部卒於京邸女二人長適劉溫次適王璩孫男三人君卒時年五十八以卒之年十二月二十五日塋于邑那朴山君葬後又二十年會予南還守制起復道羊城玄持所自述行實泣謂予曰先人生遐方粗有知識奮然自立思欲有以表見乎世不幸齋志而沒不肖孤人微力劣無可以為顯揚之地所幸者先生於先人有半面雅而又

不棄不肖孤之愚而與其進則夫明死者之志伸生者之孝先生烏得吝一言哉予聞玄言惕然下

心乃為之銘曰

孽雷之南大海濱俗尚朴茂顧少文有特一夫
溫以純卓爾自立異其群制行以實矢口真衣
裾曳地飄風塵談說古事恒云云勸誘世俗勤
諄諄及門弟子何訛訛我觀其人非今人序而
銘之跡千春

處士王君墓誌銘

瓊城有厚德之士曰王君年七十六以成化十一年四月二十四日卒于家時其子儼試禮部中進士第君未及聞知卒後僅三日而捷音至矣嗟乎

君平生切切以教子為事甫及成名而君曾不能少忍須臾死以見其成豈不深可悼哉予家距君所居伊邇而君及見予之先大父訓科公先考編脩公每過從輒道予先世之詳因遣儼從予學進士業儼以禮經領廣東鄉薦十有六年矣始登進士第聞訃將歸終制泣以墓銘見屬嗚呼予尚忍銘君哉城邑前輩凋落殆盡後生小子不見老成忠厚之意動以財力相矜嫉忌相先尚幸如君者一二人存俾其有所表率而今又弃世以去嗚呼豈獨君之不幸哉君諱璟字彥輝其先蘇之常

熟人父曰安武洪武中丞臨江蕭灘驛以告老家居無何受請成瓊因隨以來居于城之北門外君蚤失所怙事母蘇氏盡孝敬平心接物與人無競人以長者稱之所居在闌闔間四方客旅至者咸以之為依歸一言之出人信之如權衡有所忿爭得君一言即息訟以是名聞四方繼至者入境即詢君所在而依止焉君平生相與交好者有麻城甘君志一人志行畧相似而君尤知義子家食時君嘗以幣請予作其家譜以示子孫俾知所自其知所先務又有如此者嗚呼孰謂我行闌闔中乃

有人如君也哉君配謝氏生子四人長即儼次俊次偉次僎女五人適某儼歸將以某年月日葬瑤某山之原銘曰

行非以為義也而事自合宜言非以求信也而人自不疑匪質匪實曷以致茲身不自享于乃承之榮名顯秩身後是期

安素處士王君墓誌銘

墓有誌禮也生而豫志之非禮也以義起也起之以義而合乎禮君子有取焉予友鄉進士韓成章隨計上春官濱行其鄉安素處士王君屬之曰

之人未必能皆自立也而卒有聞於世者蓋得天下之名能文辭者以發揮之也某以歲乙丑生十干十二子相配復值乙丑今星又一周天去死之期不遠矣慨念生際盛時不得一命以就其志今既老且死又不得名世者一言以志其藏是終沈泯於茲世而與草木同腐矣豈不重可哀哉子之京師為我圖焉幸一日不死猶及見之則某生也不為虛而死瞑目於地下矣成章曰諾既至京師因次其族世字各行事始終為狀致其語以授予曰願有述謹按狀序而銘之序曰君諱達字

禮莊安素其別號也其先海虞人曾大父仕元為海道鎮撫大父仲德弗仕父遵道元季官浙西入國朝以兵隸大河衛母莊氏生子二人伯達仲通君其季也達以武功累官至副千戶守禦泰州因家焉君自幼淳厚器宇凝重喜讀書為文辭尤長於五七言詩其初慨然欲以功名自見於世及二親沒乃曰仕本為親今養弗逮矣矣以仕為遂肆志江湖間歷覽名勝所至之處一時有聲稱者多納交焉而其詩益進矣歸闈一齋扁曰順處左右刈圖書而居其中朝夕吟詠自適凡情景之觸目

者一於詩發之其詩冲澹瀟灑頗有唐人意趣來詩者或取以入編莆田李在嘗為寫真或人讚之曰冠裳雖與人同而所存則異祿仕雖未及身而所學則優知君以為確論君孝友篤至事母太安人極其孝養每病侍湯藥晝夜不解帶迄病已乃已親喪居于倚間不飲酒食肉者終其喪其於宗姻鄉黨交游之際情義尤篤而周急恤孤之心惓惓焉嗚呼古所稱達人者君殆近之乎雖不君識而成章之狀有足徵者故為之次序如此若夫卒葬年月塋域則虛以俟君百歲之後實焉君娶趙

氏丈夫子三牧學敵皆先君卒孫男三瑤瑤琪曾
孫男一卒以某年月日春秋若干塋于某原時某
年月日也銘曰

物始必終終底于盡夫孰不知弗篤其信偉矣
達人廓然大觀信其必然付之自然棺不待蓋
事已先定預作墓銘以俟天命

典莊處士陰公墓誌銘

蜀之內江大族首稱陰氏先世自楚入蜀占地周
六十里中皆腴田而不錯以它族之產子孫承傳
以為世業陰氏之大老有號典莊者讀書尚禮而

於二氏之教尤介介焉嚴立界限以為之閑邑人
呼之為陰孟子學成不試用以教其家鄉環所居
數十百里凡內外族姻以及其鄰封之子弟若童
若冠咸來就學正句讀解文義學成而進邑校升
胄監登科入仕者後先相望始終以身任一鄉之
教事者五十年會 朝廷上

聖母尊號推恩天下耆老以年近百齡 賜以冠
帶皓首烏紗歸然鄉里間遠近尊仰咸稱之為典
莊翁云翁諱秉衡字振平曾大父諱天與仕元為
萬戶大父諱應廣洪武初漢州訓導父諱秩贈真

定府通判翁幼時與兄秉綱弟秉鈞偕習進士業
試于有司二人前後領鄉薦為府佐郡博翁試屢
不利嘆曰此隨世就功名爾得之不得有命若夫
講學以明道行禮以正俗則患不為爾為之無不
得者也於是棄科舉業一意古學建為重樓扁曰
文翰聚書其中授徒其下日以五經孔孟之書為
課濂洛閩閩之說為據非此不以數學恒謂世教
不明由異端之說害之崇正道以黜異端其機括
尤在於禮居大母喪亭飯含以至祥禫一遵朱子
家禮不作佛事不泥風水既而筆其所行者以為

慎終錄又因而推廣之以為祭儀及婚禮節要一
本古禮而酌以時宜節其事要用以垂範子孫故
其書皆以陰氏冠編翁於經書多所涉獵而於孟
子尤加意研究至其所謂距揚墨閑聖道處必指
摘明辯以示學者因以見今佛老之非又以臨江
張氏理學類編於先儒闢異端之成說多有遺者
乃博採增入以續其後而又述己意賦近体詩一
章以發世貽後與凡其讀書有所得輒形於吟咏
大率類是而不為無益之言性尤高介於人無偏
私無事不入城市謁官府一空之中凝塵滿席泊

如也不喜華靡不趨時好取舍不苟而於義利之別尤嚴凡其所存所行率多有異於人而鄉人媿媿傳說之不去口古所謂獨行君子者翁其人歟翁室劉孺人同邑劉仁義之子有賢德繼陳孺人德如前室丈夫子三人長子默先卒次子淑次子某女子子六人長早卒次適劉行次適鄧欽次適殷洪次適吳仲圖次適馬論次適李子襄翁天性孝友謹身潔行一言一動皆可以為後人楷範每自念人生一世必須有益於一世之人在已無仕進之階澤不及遠即其所居之位而施之莫若唯

所學以教諸人故一生注意於數學而於其家之子弟尤切切然隨事策勵真其有成以代行已志自子淑游邑庠領鄉書卒業胄監登名進士任荆門知州為江西僉憲或面受指教或口陳規戒或貽書牘以示意嚮加約束惟恐其有戾於古道有玷於家教子淑服膺不敢違故所至有聲公生以洪武丁丑十二月二十日終以成化丁未十二月二十七日春秋九十有二子淑時自江西以事來京師聞翁訃將歸以某歲某月某日葬圖山之原啓劉孺人窆合墓馬銘曰

鄒孟氏後無有乎爾翁何人斯亦稱孟子孟不
云乎能言距楊墨是為聖人徒言出於心豈徒
步趨雖未造極亦其徒歟世教不明邪說害正
能闢以亡匪孟而孟環翁所居百里之間俗變
於禮象養以端有崇其阡有蔚其樹我銘以昭
之是惟內江縣陰孟子之墓

瓊臺類稿卷之六十五

瓊臺類稿卷之六十六

少保兼太子太保戶部尚書 武英殿

大學士贈太傅謚文莊丘濬仲深

墓志銘

誥封夫人楊氏墓志銘

誥封夫人楊氏者南京兵部尚書叅贊機務薛公
既遠之配也楊氏先世代州人徙居平定有諱贊
者洪武中為龍江宣課司大使謫戍海南因家焉
其子琦字伯貞娶北平馬氏夫人父母也夫人生
而端重見者知其有厚福父母慎擇所歸時公領

廣東鄉薦因以歸之正統壬戌公登進士第授戶部主事歷陞郎中并戶工二部侍郎進戶工二部尚書夫人以公貴初封安人繼宜人進淑人至夫人嗣子二人曰靖錦衣百戶曰端以蔭補國子生孫男一人剛女一人夫人年二十二歸薛氏二十六來京師居京師者始終四十三年中間惟隨公奔喪居無為者二年公乘傳往海南迎喪歸未及襄事詔即起公夫人為終其事凡塋域封樹二如制且久寓始歸未有居業夫人次第經理其家事以復宗祖之舊既就緒始復來京及公之南

京掌機務夫人仍留舊第公致仕後亦來居焉夫人生於永樂丁酉至今成化癸卯十二月壬戌卒得年六十有七事聞賜祭葬如故事將以卒之明年歸葬于無為州先塋之兆自述夫人行實俾濟志其墓濬與公家同里開童稚時已聞薛氏在國初有為尚書者又稔知靖安居士之賢稍長托交尚書公及仕于朝與公同朝者二十年又濬家食時恒為夫人尊府伯貞先生所厚爰居京師屢蒙夫人館穀知夫人之詳且真者莫濬若也銘墓之文烏敢以不文辭雖然夫人平生淑德懿

行公述之詳矣。濟毋庸贅。謹彙括其辭而為之銘。
銘曰

瓊有薛氏。來自濡須。有諱詳者。國初尚書諱
成海南。因而家居。厥胤諱能。世業以儒。公侯之
孫。必復其初。偉令尚書秉鈞。握樞得賢。內助孰
不嘆吁。公述行實。其言匪誣。我最為銘。刻石黃
壚。鑿鑿皆有匪言之諛。

明故誥封淑人李氏墓志銘

夫人姓李氏。初封孺人。進宜人。加封淑人。今詹事
府詹事兼翰林學士安城彭公之繼室也。初公為

編脩時。前室劉夫人卒。乃考愈慮。府居妣伍夫人。
悼其賢。難其繼。內外族姻咸曰。衣之分宜大族。
李氏有艾及笄。以賢孝聞。繼劉夫人者。宜莫加焉。
乃以禮聘之。夫人婦彭氏。恭順勤儉。不減劉夫人。
若內若外。稱其賢如出一口。忘劉夫人之為亡也。
夫人諱珍。祖子廉。仕為中兵馬指揮。父播。稷母阮
氏。夫人資性賢淑。而尤愛敬其父母。既而移其所
以愛敬父母者。以愛敬其舅姑。舅姑安之。未幾上
京師。與公偕處者二十餘年。中間惟婦葬舅姑者。
三年。公由編脩歷侍講。學士至今。官夫人受

初封者一 誥封者再朝

皇太后皇后者皆再享年四十有二其生也以正
統辛酉十月六日卒以成化壬寅八月十八日卒
之日伍大人忌辰也訃聞 朝命遣官葬祭如令
將以年某月某日推厝于鄉楓溪吉祥山之麓始
夫人歸公未幾即有鄉人訟舉家遭逮夫人憂勤
日饋食獄中罔缺時遣家人探消息通情雖老成
經事者有所不逮既而訟得直僉憲府君卒于京
邸夫人助公理喪事舉柩南還既而抵家伍大夫
一繼卒公所以克襄二大事者夫人預有力焉夫

婦人自始至終持身以禮待人以誠惠下
以仁如一日然故若內若外稱其賢行咸無間言
子男七人長勉政次勉敷次勉敬次勉肇
次季二勉政前夫人于勉肇少房出季二夫人卒
梅曲豆察鄉人 以事至京者歲時請遺無缺禮遇
朝廷有所賜輒以分之曰此以彰
上賜也夫人自始至終持身以禮待人以誠惠下
以仁如一日然故若內若外稱其賢行咸無間言
子男七人長勉政次勉敷次勉敬次勉肇
次季二勉政前夫人于勉肇少房出季二夫人卒

後始生夫人待遇諸子均一人不問不知其為誰
所出女一薊妹夫人最所鍾愛卒後七閱月以毀
卒公命勉敷扶夫人歸葬以其弟即中礼所述狀
來速銘予締交公在夫未結縡之先前後同事者
非一年稔聞夫人賢行為詳銘奚容辭銘曰
室而為繼難乎其為宜母而為繼難乎其為慈
允淑天人難而易之蚤夜孳孳子婦師師斬斬
以齊培善之基衍慶之施人無異辭

明故誥封夫人魏氏墓志銘

太子少保尚書余公聞其母夫人喪奔歸

漢中之沔將夫人魏氏以哀毀卒于道有司以聞
朝廷遣官諭祭并營葬如故事公以書來屬予志
其墓按給事中汪藻狀夫人姓魏氏眉之青神縣
長泉鄉處士用知次女母李氏孕夫人十有二月
而生生而異常兒慧敏柔異於凡紡績織之事不
學而能甚為祖母周所鍾愛年十七以婦余氏時
太夫人孀居尚書公為邑庠弟子負夫人夙興事
太夫人承順取子必適其意暮俟太夫人寢畢即
紡績以陪公夜誦公倦就枕夫人坐俟至夜分呼
公起就書然後寢夜率以為常至公領鄉薦而後

已公以歲辛未登進士第拜戶部主事出知西安
府叅陝西大政進布政使以都御史巡撫延慶諸
路家政一委之夫人一一處之有條理接撫內外
親踈皆有恩義閨門之內雖難如也公為主事時
夫人恒以不得事太夫人為念每得一味之甘一
服用之美輒惘然恨隔遠不及奉姑為歎公西安
距蜀不遠太夫人始來就養凡可以悅其意者無
所不用其心既而太夫人以次子偉故決意歸夫
人懇留之再三而不可得公時在延安三上疏乞
終養不獲命夫人嘆曰吾夫為 國家臣子義不

得顧私親我當奉養即日西歸久之以太夫人命復
至于陝及公入掌兵部因偕以來其心旦夕慕念
太夫人未嘗頃刻置徃徃形之夢寐今春忽謂公
曰太夫人久曠定省今官滿考當得推 恩妾當
捧誥歸以為太夫人壽言未幾時太夫人訃至夫
人號慟幾絕隨公乘傳奔喪途病至不可起是歲
三月庚子也夫人天性篤于孝謹平生不妄言笑
處富貴如窮約時然教子尤嚴延師教之所以奉
承供給其師者惟恐或有所缺從子寰少孤公欲
以其當得蔭子恩錄用寰為太學生夫人從吏之

甚力曰此足以慰太夫人之意矣公平西羌時衆以所俘獲子女分之公所得者夫人詢問之知其皆民之良也悉具資嫁遣之俾皆得所子寘中鄉舉來會試適遇太夫人喪或勸之就試夫人言于公曰豈有父居重喪而子求進耶其明識多此類者夫人以宣德庚戌生至是卒得年五十有二公為主事時初始受勅封安人既受誥封淑人進封夫人子男二長即寘次寄少房所出女三適歐鈺次適吳度閩次適萬翬公將以卒之年某月某日葬于某之原銘曰

於嘉夫人女中之特君子之心丈夫之識既家厥家贊相承翼有豫不佚有濫不溢寂其平生維孝之德皇命有加營此幽宅昭於銘詩永示無極

明故勅封孺人崔氏墓志銘

翰林侍講張潔聞其母喪借其僚友編脩蔣冕請予求墓銘且曰先生於家君有夙契及識先大夫且俱家嶺以南今先生奉朝命總裁國史潔幸在館下先妣之藏之銘舍先生其誰屬謹承家君意以請予於侍講父若祖有世好詎忍孤其意

而靳不腆之辭乃序之曰封編脩前南京戶部主
事張君廷倫之繼室崔夫人梧州守禦千戶諱貴
之子崔家于燕世襲為千戶隸環衛後調于梧君
世家潯之平南於梧為近地君喪偶君之母黃氏
夫人聞崔氏有賢孝女年踰笄慎擇配不輕許人
聘為君婦夫人生武胄一旦來嬪士族服食用度
悉從儉素如固有者親鄰以得賢婦為張氏賀夫
人婦君時年已二十有四凡處家應世之事皆已
閑習君得其助良多君未第時勉君以學業君居
官後厲君以名節君不幸失官慰君以命分君性

剛直有所見于心口輒吐之不能少茹夫人隨事
調護君賴以少戢君官南部甫若干月偶有事觸
新例當解官非知而故犯也衆莫不寃之君用是
怏怏夫人罄所有資之俾赴愬闕下然拘於例訖
不可復君奔走兩京間囊橐蕭然而家鄉適有尚
民之擾不可喘僑居金陵者十有二年家無恒產
又無經紀之僕君好交游賓客過從者無虛日夫
人晝夜勤劬為衣食計而又節縮留蓄以應君不
時之需君所以忘其窮而不知其身在此羈旅中者
夫人力也君時或有所感觸與不平之嘆夫人乃

指其二子澂濂示君曰君罪不當去官而失官天道乘除安知不在此二子乎君領之一意以教子為事遣二子從師習舉子業暮婦夫人親炷燈俾夜誦因謂之曰汝父學成而仕不盡其用負屈一生所以泄其不平而發其不盡之蘊者在汝輩之能卓立與否汝兄弟視人宜千百倍其功不然栖栖逆旅中終無稅駕之所矣二子由是奮勵皆預鄉選澂不幸早卒濂年十七果登進士第選翰林改庶吉士讀書 中秘授編脩三年推 恩封君如子官封夫人為孺人夫人拜賀君曰父失之子

得之天道乘除信不誣矣濂官 禁近夫人凡三來視之至則居數日或踰年乃去凡官中百公私事務皆為理之以身示教以為婦則閑中輒歷叙生平艱厄貧苦之 使其知所以恒謂濂曰汝父以意氣自負與人不苟合所至輒不偶汝少年登高科處近地為美官惟宜謙和清儉毋以氣岸陵人母以貨利動心又曰汝官以文字為職業今日雖居官食祿然無有政事讀書績文便是汝政事切不可斯須廢事濂服膺夫人之訓大有所造歲丁未夫人南還明年偕君挈家回平南道湖南愛

全州俗淳而地善因寓籍焉僅若干年堂構未成而遽以疾卒時弘治三年閏九月二十一日也享年六十有二子男五人澂濿澈灤瀟其三人庶出也女二人一適謝天錫一在室孫男二人概越濿婦君將以某年某月某日葬夫人于某山之原予既序之矣復系以銘銘曰 妻之為義謂與夫齊伉儷媿德家室攸宜母之為言以乳為義乳而慕之爰世其祀猗嗟夫人齊夫而克相乳子而能教允盡為妻為母之道匪徒相之家道以與匪徒教之名位以榮我紀其死以示厥生嗚呼其無愧乎

茲銘

勅封太宜人蘇氏墓志銘

京師婦道中之賢者稱劉宜人宜人姓蘇氏上海蘇公子華之女子子夫曰樂善善居士劉公諱普權皇贈吏部驗封清吏司員外郎其先光山人徙蜀之重慶巴縣永樂中以良家子選衛

皇太孫于南京其世父與宜人父子華交因以婦焉公有至行為親故終身不茹葷而宜人生而素食性與之合相與如一人洪熙初

宣廟登極扈從來 京師居禁城之西武功坊四

方士隨謀需仕者多假館焉宜人助公延款餽贖殆無虛日下及僕從無不沾其惠者間有橫干逆觸者宜人亦容忍之不少見於言面好賢尚義之名聞于一時士有卓偉者宜人往往豫識於未達之先故其後顯也咸德宜人無已因而遂通家者有之一時名公卿如苗文康李文達姚文敏諸公咸加禮敬其內政有所疑闕必質問焉宜人性通敏非但閑於婦道而凡人情世態亦具知之待人以禮而仁恕之心尤篤憐人之貧恤人之苦閔人之勞不啻若在於己遇歉則施糜粥寒則散衣被

暑則給湯茗貧乏者通假借疾病者致藥餌什歸者助道里費死不能葬者予殯歛具視其力之所能及而為之雖公沒後行之恒如其存時然嗚呼孰謂婦道中有如宜人者哉宜人諱善明嫁公十八年始生子淳淳字尚質初譯字於翰林既而命改業曰此非所以成就其大也乃俾從師受易為舉子業登甲申進士第讀書中秘擢中書舍人用是受勅封太孺人淳進官封部員外郎宜人該馳封誥垂下而宜人卒矣時成化戊戌正月八日也距其生永樂己卯三月一日得年八十淳娶馮

氏封宜人孫男二長謙次謹女四長適蔣漢餘尚
幼曾孫一永昌卜以卒之年三月二十二日葬于
都城南七里鋪村公塋也淳衰經持侍講李賓之
狀來乞銘狀叙宜人善行甚詳其表表者如焚質
券如不拾遺金如受人寄物數年而封識如故如
或人寄空筭而詭計取償予之而不辨如負其財
者貧且死不能償估之以其居若女不受凡此類
皆烈丈夫所難者宜人從容為之豈不謂之女中
君子人歟予嘗主其家蒙宜人禮待甚厚志墓之
文雖無為之請者固當為之矧尚質有所屬邪故

既次序之而又繼以銘銘曰

禁城右側有女宗厚德懿行溫以恭嫗煦覆育
如春融登堂拜慶多名公我觀古人誰則同依
希母帥居魚中表高沉沉閨幽宮銘以昭之垂
無窮

物封安人張氏墓志銘

安人姓張氏廬之舒城人也父志道母宋氏安人
行第六生而異常女持為父母所鍾愛擇所宜歸
得賢慶新化劉以仁以仁諱存以太學生解濟
寧衛經歷秩滿陞福建南安知縣及致政又以子

貴推 恩封戶部廣東清吏司主事初南安公在
齊寧戎幕時處戎大悍卒之間而衛當兩京之衝
公事劇甚不暇及家政且歸入甚薄而鄉人過注
者無虛日安人調和上下舉偏補罅委曲奉承無
不得其驩心訖得無事以去任公知南安以閩地
遠而多瘡子女皆幼留安人於濟獨携一力之任
嘗是時既無俸給而安人所以綜理家事應酬過
往之人者無異公在任時又以其餘力資師教子
數年猶一日也歲辛酉公始得休致偕安人還寶
慶久宦于外一旦驟歸田廬器用之類百事廢弛

安人晝夜盡心力經營之曾未幾時殆有過於家
居者 勅封之命下鄉人咸為安人榮且致賀安
人略不色喜曰此祖宗餘慶也吾何有焉往往致
書其子責以盡職報稱安人性嚴毅遇事果決治
家斬斬有法內外姻戚咸敬憚之於其前無敢許
語者相南安公始終四十餘年公沒後孀居者又
八年至是卒成化丙戌十二月二十四日也距其
生時洪武壬申十一月八日得年七十有五子二
人長曰顯登甲戌進士授戶部廣東司主事轉吏
部稽勲司尋陞員外郎次曰昭先安人卒女幾人

適其其孫男十二人剛達其其負外君聞訃將歸以丁亥年十月某日葬安人于本里潘陽鄉獨山之麓祖塋之次先期持其鄉人監察御史劉君敬狀來求墓志銘嗚呼安人於婦道母道皆無愧於法宜銘銘曰

產于舒嬪于邵婦盡道母能教生榮封號死安宅兆百世之下永其詔勒石作銘昭其告

孺人梁氏墓志銘

封監察御史林公某之配曰梁孺人以天順三年某月某日卒于家年六十九時其子傑為南京山

東道監察御史考滿赴京師主予家訃適至循

例乞終喪制謂予曰子吾鄉人也知吾家世及吾母之詳幸為志其墓庶以為不朽之傳義不可辭乃叙而銘之曰孺人邑大姓梁氏子大父某父某俱隱德不仕孺人年二十歸封監察御史公甚閑婦道內外咸宜之居久之公族人有為仇人所害者其事波及公蓋喪其家貲獄久未絕首尾十餘年家事一屬於孺人孺人躬自紡績晝夜不少懈課督僮僕耕田藝圃未嘗後天時遺地力歲賴其入以為度凡時事及內外族姻慶吊遺問之禮不

以家有事或廢後事婦公相助有道業尋復舊公
恒曰吾久逮於事家業所以不至顛覆者吾妻力
也每每對人稱之孺人逮事舅姑極孝愛處宗族
姻黨間人人得其歡心教子尤有義方初僕兒時
孺人指之謂公曰吾聞先世多積德未有顯者此
兒不凡如此必能大君門戶盍遣就學乎公如其
言選補邑庠生孺人儲之積少以為其師友資僕
用是得以專心於學克底成立景泰庚午果中鄉
試第二人又三年甲戌登進士第又明年擢南臺
御史歲丁丑 朝廷推恩廷臣父母年七十者公

頌其列孺人于是受 勅封 命下僅若干年即
世矣子男三俊娶其次即僕初娶其繼娶其妾
某女四適某某孫男一晶傑婦將以某年某月某
日塋于某山之原嗚呼孺人為人妻則濟夫於難
為人母則成子於學謂之賢婦人非邪賢而且貴
法宜得銘銘曰

夫有賢宗家以寧母有賢子官以成一朝失之
哀曷勝幽堂沉沉一以肩千秋萬祀徵此銘

勅封太安人陸氏墓志銘

勅封太安人陸氏故贈承德郎戶部主事潘公諱

永安之配天順七年八月庚子卒于京師享年八十有一其子傑主事戶部雲南清吏司解任扶柩南還將以是年某月某日卜塋于應天府上元縣某山之原筭引有日先期衰經踵門持卞即中華伯所作狀來丐墓銘按狀安人諱清字妙清錢塘鉅族女也為人孝順儉勤自其幼時已不好嬉笑凡侈靡奇巧之事一切不為惟組紉織紉之工是務既婦潘氏恪執婦道取予承順惟夫是聽踰相外事言未嘗及及為未亡人始專家政教育諸子戒諭諄切孜孜焉以母隆先業為訓遣子子傑

出就外傳節縮用度為束修費傑用能奮志于學登進士第拜官 朝著 恩典有加存沒光華皆安人教誨力也安人性慈祥和易待人無小大親疎咸盡恩意而得其惟心內外宗姪及嘗所往來者稱其賢無間言子傑貴既受封安人淡素如常時未嘗有所更易及迎養來宦身鷄初鳴即趨傑早作趨 朝暮歸共食則勉之以忠勤公慎病已革屬傑曰勉盡職業以圖報稱母以我故哀毀傷生更語而兄吾不見之矣言訖而逝安人生四子長禎次祥次俊次即傑也女二長適太學生陳

清次在室孫男哉人嗚呼安人為婦為母之道無不備而又享其子之祿全夫天之壽可以無憾矣是宜銘銘曰

陰幽坤從秉恒德無非無儀乃婦職相夫教子兩無^受憾思貽封享祿食亦既壽考又安佚綽有壺舜垂懿則匪銘不昭勒茲石

吳母秦孺人墓志銘

予友吳思學聞母孺人訃歸自京師縗絰踵門泣謂予曰吾父早喪吾母鞠吾兄弟以至今日辛勞萬狀幸其仕有日矣而曾不少待酒更以見吾

之有成夫乎何不幸至此極也然而有不幸之幸者幸子以先太宜人憂制家君得子一言志諸幽則吾母死猶不死也敢以銘請予與思學俱蚤孤侍母氏以成立二人同日遊郡庠予幸先出仕然睽違膝下日最久今不幸抱恨終天思學雖晚仕然朝夕得侍左右孺人垂老矣方且需選銓曹祿位可計日得而孺人遽舍以去其痛豈減予耶按狀孺人秦氏諱英妹父曰善慶鄉之耆宿也秦吳世鄰思學之尊府鄉貢進士官自幼莊重而好學秦翁愛之因以孺人歸焉歸時年十九進士公既

專務學生計一不以屑意凡百家務皆孺人主之
及公既領鄉薦卒業于家三年始隨計上春六道
卒于金陵計聞孺人哀慟幾不能生未幾鄉人持
公骨歸孺人殯葬一如禮吳世素單薄無期功以
上之親可恃舅姑老而子幼衣食之資門戶之役
鄉曲之禮節皆於孺人焉是仰孺人性嚴急日夜
課諸女紡績諸子稍能言即遣之從里社師學有
怠惰者率加呵斥不少慈思孝少從父執吳秉中
先生游弱冠入郡庠交郡內知名士有造門者孺
人殫力營飲饌以奉之無厭倦意故一時士夫交

口稱思學有賢母焉孺人喪所天時甫三十歲於
國家著令當表異里耆方上其事竟為忌者所沮
衆方覲其再舉而孺人逝矣嗚呼惜哉孺人生洪
武乙亥卒于成化辛卯二月春秋七十有七子男
三曰耕即思學曰耘曰耜女二長適某次適某孫
男幾人某某孫女幾人長適某餘未行卜以卒之
歲十二月十八日塋于所居之東北半里許某山
之原銘曰

生之殯也不出其里死之殯也去家伊邇子孫
在旁躡魄安止疇其卜之曰青烏子志石藏幽

陰德焯焯疇其銘之曰古太史

梁母歐孺人墓志銘

故約齋處士梁公之配曰歐孺人女婦中之賢者也年七十一以景泰乙亥歲十一月丙申卒于其家既卜以天順戊寅歲正月庚午祔塋處士墓左矣又閱九年是為成化丙戌其子琰以太學生授瓊山縣丞將之任持其鄉友進士許君仁狀來乞銘且曰先妣棄世有年矣而墓中之石尚未刻者蓋有待也今辱得邑而佐之幸有先生者出邑中官禁近有文名某之志償矣敢以銘請按狀孺

人諱金姬世為高要黃村大姓曾祖某祖景文父如海母麥氏其生也洪武乙丑歲十二月至永樂甲申歲年十歸于同邑梁氏諱某者即約齋處士也生子男五人瑄玪琰璫王女三人俱適工族謝紳楊循嚴壽其婚也今有孫男十八人女八人嗚呼若孺人者所謂女婦中之賢者非邪幼有美質謹飭自持涉書史服勤女事最為父母所鍾愛其淑德有如此者長得所歸承奉夫子惟謹俗旨其慎喪祭睦宗姻甚為舅姑所禮敬其順德有如此者晚喪所天十有六年持門戶理家政無異夫存

時資子就學訓勵備至家庭之間一本仁厚大為宗姻鄉鄰所尊慕其貞且慈又有如此者嗚呼合女德之懿者有此四焉而孺人乃兼有之豈非賢哉予也待罪太史氏凡夫人之善皆當錄之矧又有所請耶是不可不銘銘曰

坤之順恒之貞行以坤守以恒婦德如此法宜銘垂之百世長昭明

王母吳安人墓志銘

前南昌府通判王君之配曰吳安人以成化戊子四月某日卒于瓊山之烈樓里第時公家居長

恢特左右次子忱以鄉貢待試南宮明年春忱得恢書始知安人之訃泣告予曰忱之母不幸而去年夏去世矣道遠而來者稀今始聞其訃忱天地間罪人也親年老而忽離其左右病既不得侍湯藥卒又不得親窆忱之罪大矣所幸來京師託以通家居館下得先生一言歸以志其墓則死者不朽而生者之罪亦庶幾乎少減也予於通判公為通家子視安人猶母也况於恢兄弟相厚善而於忱尤親比焉凡天下之人有求文志其先墓者皆泛然應之矧吾通家乎義不容辭謹按恢所自

狀安人姓吳氏諱某台之仙居人也父某永樂中
任瓊山之清瀾巡檢安人從以來公時為郡庠生
在儕輩中挺然秀出每自郡庠歸省必道清瀾吳
公見而偉之因以安人歸焉安人時年十六王氏
族大而內外姻戚甚衆安人年雖少而處之一一
當其所翕然同稱曰王氏中饋得人矣公游胄監
父母俱耄且有疾安人事之謹甚承受取予未嘗
少拂其意二老者忘其子之不在側也公初授廣
西太平府通判便道還家携安人偕行後丁內艱
起復改任南昌又欲偕之行安人曰祖宗產業

所以胎謀者常也仕宦不可常也若又偕以行則殖
者落矣遂不果後公晚年家居甚有賴焉安人生
於洪武壬午正月二十六日至是卒年六十有八
二子恢習舉子業累試未利忱天順壬午鄉貢第
六人女四三殤亡其一適臨高張某卜以是歲之冬
某月某日葬于某山之原銘曰

主于浙東死于海南有頌其夫有文其男順理
以寧死生曷慚銘以昭之貞石是錫

勅封太宜人胡氏墓志銘

西昌祿岡蕭君嗣虬之配曰胡夫人年八十七以

成化戊戌五月五日卒其家時夫人有子五人
孫十四人曾孫一十人玄孫一人女子子不與焉
夫以一人之身見四世而生四十人者出自其一
身而躬見之夫人有功於蕭宗甚大而於國家
生齒之繁亦於是乎徵焉嗚呼盛哉夫人以子本
容貴 朝廷推 恩錫 勅命封太安人胡氏世
居邑南逕里曾祖宗泰祖上文父如驥母龍氏夫
人未并失所怙恃鞠於二叔如麒如龍如麒仕為
任丘縣知縣如龍醜以歸蕭公蕭胡世婚姻家公
在襁褓而孤家道中微夫人甫婦即代孤胡掌家

政克勤生業晝夜矻矻不少休用是家道復振公
他無所慕惟一意延師教子夫人所以資助之者
無所不用其心一時主其家塾者皆鄉里知名士
而來游學者亦多有荀于時故其子若孫得其指
教漸染多有所成立子本質本一俱以明經起為
訓導一在新橋一在霸州皆迎夫人就養本忠本
誠雖不仕亦皆知書大義為鄉善士本容父歿時
僅七歲後登進士第拜刑部主事孫之最長者曰
器用亦由進士官按察僉事其次若器猷若器溫
俱涉獵書史器重以選為都司承差器端鄉貢進

士器佩器量俱邑庠生器貴器華器完器宏器清
器廣器琢器舉知向學曾祿潮淳補郡庠生其次
若濬澄源沔漢洋津溢汪浙汴洋湍淪滄皆秀發
特異駸駸有嚮上勢識者謂蕭氏之盛未艾皆自
夫人一身出也嗚呼夫人於蕭氏非但廣其田園
拓其居第以致其家道之殷裕而所以教養子若
孫若曾以至於成立而光大其門戶而綿延其胤
祚者其功亦豈細哉主事君聞訃得請歸守制將
卜以某年某月某日葬夫人于某山之原先期
脩誼君所述事狀來乞銘銘曰

族大以蕃子姓綿綿揆厥元必有開先始一人
身而子而孫而曾而玄繇茲以延乃至百千蕭
母之賢厥宗賴焉八十七年曾玄滿前我銘以
言樂石是錫百世其

崇仁彭母戴孺人墓志銘

人家之興廢係乎婦德之賢否古者夫存時固以教
令不出閨門為美不乎以事慮于外及夫亡而
子幼家道岌岌甘行夫賢烈之婦也乎所以禦夫
外人心不百於替與也者豈希存於崇仁彭母戴
孺人蓋有淑德也世以貴維其鄰有諱九疇者

早年失怙獨與母居思得賢婦以主饋擇婦邑
中聞石塘戴氏女年及笄而孺人之父
諱某者亦諱於擇女則九疇之賢乃以孺人女焉
既歸彭氏執婦道且謹朝夕姑左右俟其顏色觀
其願指姑心有所欲為不待其言已逆探其意而
承順之無不如意者外喜謂人曰自吾得此婦增
一孝女矣每母舉事崔山南祖母長孫六人所以
祝其新婦唐夫人之誥以祝願之姑終哀毀骨立
鄉人稱其孝代姑持家政凡内外公私事一一舉
得其當族姻鄰里下至於僮僕之賤莫不感其恩

敬其禮彼此相謂曰彭門一何多幸哉乃得如此
賢婦邪夫為萬石長孺人切切勸諭惟恐其怠於
已有以逆乎官而厲夫人夫感其言用是益加飭
勵夫忽遘疾孺人夜焚香籲天祈以身代醫禱無
所不至然竟不起孺人哀號幾絕弗食者累日自
是罷膏沐誌心力晝夜乞乞不少休家事益整家
法益嚴内外肅然雖夫存口無大相異初夫與從
子折居廳堂旁室悉推與之孺人無靳色久之謀
於舊址之東別構新居乃僦二而夫故孺人繼經
理之咸以次就緒鄉人莫不歎美曰彭九疇雖死

不死矣孺人年若干歸彭氏二十八為未亡人至是年八十卒時成化乙未十二月二十八日孺人有子三人長翊次翹次翥翥非已出然待之均一人罔聞知翊翹皆先卒六四人某某聯季現其婿也季現早卒女亦寡居守節男不廢所教女不貳所天鄉人稱焉孫男四八長瀚次海次濟次沅女五人皆適士族曾孫男四人女四人瀚為太學生奉翥命持狀來乞銘予嘉孺人有功於彭宗甚故予之以銘銘曰

人家之幸莫幸於得賢婦有賢婦以協相於則家業以就亦莫幸於得賢母有賢母以維持於後則家道以久既資其賢復賴其壽彭宗何幸乃兼而有我銘其藏昭之不朽

錢塘張孺人安氏墓志銘

自后王降德之制不行于天下而風俗日趨於薄五倫之中兄弟尤甚况婦如平若今錢塘張給事中晟孟陽之母與其季母所以相處者可謂難矣易曰二女同居志不同行說者謂陰柔之性外和悅而內猜嫌故司古而異志張氏二母孀居之後共處一室連榻而寢語話竟夕垂四十年不獨同

居而又同志孰謂陰柔之質乃有如此者乎歲丙申孟陽請告歸省于家適喪其母太夫人故事常參官有服當終制者必陞見而後行明年孟陽如故事來京師主其外舅氏病中聞其季母訃乃力疾自述其行狀來乞銘按熈人諱淑清邑處士仲明之子母曰陸氏孺人生有淑質既笄婦張氏配敦義處士諱玠者逮事其舅克盡婦道無違禮佐其妯理家務事無大小必稟命而後行命坐而後坐食而後食事不敢辭其劇物不敢取其美衣服食飲不敢必其得一錢尺帛不敢松其有

記所謂不敢並行不敢並坐不敢並命者孺人蓋有焉訓諸子姪以義待諸婢僕以慈一門百指同居爨始終無間言嗚呼若孺人可謂女婦中之賢者已矣予於是不惟見孺人之賢而張氏一家伯仲姊妯之皆賢亦於是見也推原所自其家法源流必有所本也歟孺人生亦樂至辰六月十四日卒成化丁酉三月十三日享年六十有六子男二人長昇次旻旻先五年卒女二人長適府學生范綱次適陳華孫男二人槩槩女一人將以某年某月某日祔葬于敦義處士墓墓在仁和縣芳林原

子孟陽於諸子中為最長尤為孺人所鍾愛哭之尤
哀孟陽初舉進士為庶吉士時予嘗奉命教之
故茲以銘見屬乃序而銘之銘曰

易卦序睽居家人次以家之離由女之致陰柔
性偏居同志異倚抗張德叅會惟安孺人
敬恭厥妣曰妣曰娣如足如弟家所繇興實此
焉徐婦道則賢女德則粹銘最其大示則來齋

李母孺人王氏墓志銘

京師崇文門外有壽母曰李孺人姓王氏諱妙通
故海寧縣丞伯潤之女子子太醫院醫士思訥之

室今

御醫瑛之母也王李皆蘇之長洲人李世

以帶下醫名吳中思訥以名醫起選供事內街

藥房因僑居于崇文門外之東門孺人年十九適

李氏二十三來京師四十九為未亡人至是卒

年八十有九特成化乙巳春二月甲子也先是思

訥卒歸塋于邑之武丘鄉至是瑛將扶孺人柩南

歸合塋先期來乞予銘予與孺人從子職方即中

應禎交好因契于瑛當孺人年八喪時予嘗為文

以祝其壽蓋知孺人之賢有素孺人自幼端謹為

處子時以孝敬聞既歸李氏逮事舅姑皆得其歡

心隨夫居 京師鷄初鳴即起具饘粥食夫促其
趨 朝初寒盛暑未嘗一日少息思訥丁外艱隨
之南還九居喪禮節多所贊助服闋北上行至臨
清思訥忽中風卒于旅次孺人倉卒間為營殯歛
之具率如禮後扶柩還吳塋畢復偕諸子來 京
師晚年性益嚴毅子若婦以下咸恭順之不敢違
兩京士夫有與其子若姪交者歲時往過登堂請
拜覩其雍容莊重老而益健咸以壽母目之瑛業
傳婦人請療者無虛日日入直 御藥房每退歸
孺人迎謂之曰婦人挽乳大故一生九死吾親經

嘗者也苦莫甚焉汝不可憚勞而不躬自視之人
家貧富藥資有無切不可計瑛奉母訓惟謹用是
所全活者甚衆大為公卿大夫士所敬重歲遇孺
人初度往往為歌詩以祝慶之用是壽母之稱聞
于遠近至是聞其辭走而第者日適其門孺人生
子男三長即瑛次瑒次瑛孫男四長鳳幼悟習進
士業早亡次鶚次玄次永年女三曾孫男三銘曰
生于吳老于燕此百歲十一年八生福幾于全
矧有子亦其傳曰壽母吁其然

亡妻金氏權厝志

嗚呼吾亡妻金氏孀人推等之也先姑蘇宦族
曾大敷謫不獲相堅父貴母耿氏年十九予母太
孺人問其貧聘以為婦未暮予即隨計上春官得
校字辭不就卒業太學二年再試復如前考得請
歸省八閱月而孺人亡矣孺人入吾門自合悉至
屬續首尾凡六春秋其間與予離居者餘四十年借
據適年半耳夫以三日之離僅得一日之合曾
幾何時而可遽亡耶嗚呼痛哉孺人名妙潔十
歲喪母鞠於繼母無毫髮間言與其弟鼎最相友
其父性嚴朝夕事謹甚故特鍾愛焉德容清

潤性質柔順言不妄發無故足未嘗踰閫外既歸
予恪執婦道取與承順必稱所欲事吾母盡敬養
之禮敦陸吾黨供饋食佐烝嘗劬如也吾鄉俗素
薄兄弟鮮不異居者吾家三百餘指共食孺人處
妯娌之間推分引然始終如一尊已者敬之下已
者撫之敵已者友之皆得所志遠近之人翕然稱
之曰丘解元得賢婦如此可謂無歎矣初予之京
也臨別不為兒女態勉予以功名為心每聞予有
不豫然者輒憂形于色廢寢食絕葷腥禱卜神明
必聞吉語乃止順母之心奉承惟謹助嫂理家務

不敢暇逸所以使吾無內顧之憂而兄弟不至於分門割戶者未必非斯人力也嗚呼婦有四德言易得也容易得也工易得也難得者德耳今孺人貞靜柔順有事親之孝有逮下之仁有朴素之質有廉介之節不言人之過不私己之黨可謂有德矣有如是之德乃不得下壽乃不得齒貴雖不得衍于後昆嗚呼天可問乎孺人辭二十五止生一女名京兒予未及見而死於是歲中元日祭先畢即得疾越二十三日卒于家臨終予與之訣曰我負汝也多矣他日繼娶幸有子即以為汝後嗣

汝祀焉時不能言但頷之再而已將以是年八月甲申權厝于城西一水牛灣之地祖母塋之右畧叙其事納之壙中後予名成而歸擇地改窆庶百歲之後可同藏焉

瓊臺類稿卷之六十六終

